

CUSTOS (Pierre), notaire de Villemur, Villemur-sur-Tarn, minutes de Verlhac, 1655-1673, f° 161 & ss., Archives départementales de la Haute-Garonne, cote 3E 21857, PH/JCHR/5712 & ss.

Clxi.

(...)

Testamant, Linas

Au nom de dieu soict **l an mil six cens soixante quatre** e(t) le **cinquiesme** jour du mois de **septembre** après midy soubz le regne de n(ot)re souverain e(t)()tres()chrestien prince louis quatorze du nom par la grace de dieu roy de france e(t) de navarre dans la maison du testateur cy apres nommé scize au lieu de **beauvais** dioceze bas montauban e(t) seneschaucé de toloze pardevant moy no(tai)re

constitué en sa personne **anthoine linas** **laboureur** dudict beauvais, lequel gisant dans son lict a la salle haute de ladicte maison dettenu de certaine maladie corporelle toutesfois dieu graces bien voyant e(t) oyant parlant e(t) estant en ses bons sens jugemant memoire e(t) cognoissance considerant ny avoir rien de plus certain que la mort ny de plus incertain que l heure, de son bon gré non induict ny suborné de personne a fait e(t) ordonné son testamant nuncupatifz en la forme e(t) maniere suivante en premier lieu a fait le signe de la croix sur sa personne en disant au nom du pere du filz e(t) du saint sperit, & recomandé son ame a dieu le pere filz e(t) saint sperit & suplié icelluy de bon coeur luy pardonner toutes ses fautes e(t) peches, & vouloir colloquer son ame en son paradis celeste pour l amour de son tres cher e(t) bien aymé filz nostre seigneur jesus christ, & par l intercession de la glorieuze vierge marie saintz e(t) saintes de paradis a vouleu e(t) ordonné veut e(t) ordonne le testateur après que son ame sera separé de son corpz qu()icelluy soict ensepvelly

Clxii

dans l esglize parroissielle saint pierre dud(it) beauvais selon l ordre observé en la religion catolique e(t) appostolique romaine dont il fait proffession, remettant ses honneurs funebres a la discretion de ses

heretiers bas nommés, a laquelle esglize
de beauvais ledict testateur en consideration
de sondict enteremant e(t) des siens a l advenir
a donné e(t) legué la somme de dix livres pour
estre employé a ce que les sieurs curé e(t)
margulliers quy seront en charge lors de
son decés trouveront aproprie, payable
ladicte somme de dix livres dans l an apres
son decés, a dict e(t) déclaré ledict testateur
estre **marié avec françoize pradiér** e(t) pour
tesmoignage de l amityé que luy porte, veut
e(t) ordonne que ladicte pradié sa femme soict
respectéé nourrie e(t) entretenue comme il
appartient dans sa maison par ses()dictz
heretiers, et en cas sadicte femme ne
pourroict compatir avec eux e(t) qu()il conviendroict
a()icelle se separer de compagnie audict cas
le testateur a vouleu e(t) ordonné qu()il luy
soict annuellement payé de pention e(t) pour son

entreenemant pendant sa vie par ses dictz
heretiers tant que demurera vefve soubz
son nom e(t) a()repettér ses cas dottaux la
quantité de trois sacz bled, e(t) quatre sacz
misture bon grain e(t) marchant mesure de
villemur, la somme de dix livres t(ournoi)z, trente
livres de lart, quatre boisseaux de sel, mesure
de villemur, six livres huile de noix, six
livres de graisse, une barrique bon vin, une
barrique demy vin, deux chemizes thoile de
brin sçavoir lesdictz trois sacz bled e(t) quatre
sacz misture a la feste de saint barthelemy,
l argent, lart, sel, huile, graisse, chemizes, vin e(t)
demy vin a la feste de toussaintz, plus une
robe de drap gris de deux en deux ans, et
oultre ce veut que sadicte femme aye sa
demure e(t) habitation dans la salle basse de
ladicte maison avec la faculté de nourrir de
volailhe, item la faculté de prendre des herbes
potagerés dans le jardrin ensemble du fruit
des arbres fruitiers quy sont dans ses
possessions, & l()uzaige de ses bois pour son
chaufage que sesdictz heretiers seront tenus
de luy portér e(t) randre dans les coderez de leur

Clxiii.

maison, de plus veut que sesdictz heretiérs
soict tenus de luy bailhér tout le linge,
meubles e(t) ustancilles de maison que luy
seront requis e(t) necessaires pour son usaige
tant seullement, item a donné e(t) legué ledict

testateur a **anthoinette linas sa soeur femme de blaize mathieu** la somme de dix livres qu()elle luy doit par contract publique, sy a dict e(t) déclaré le testateur qu'en mariant **anne linas sa filhe** legitime e(t) naturelle **e(t) de ladicte françoize pradier** avec **bernard damilhau de la sauziere** il l'aueroict suffizamment doté e(t) payé sa dot e(t) dotalisses, et de plus outre e(t) par dessus ledict dot e(t) dotalisses il luy donne e(t) legue la somme de quarente livres t(ournoi)z payable dans l'an après son décès, moyenant quoy l()a faicte e(t) institué son heretiere particuliere a ce que ne puisse rien plus prethendre ny demander sur sesdictz biens e(t) heredité, de plus a déclaré ledict testateur avoir cy devant prins e(t) receu des cas dottaux de **jeanne chaubard sa belle filhe e(t) femme de anthoine linas, son filz ayné e(t) coheretier** cy apres nommé la somme de trois cens

livrés rezultant des recognoissances qu()il en a passés, item a donné e(t) legué ledict testateur a **jean e(t) autre anthoine linas freres ses enfans legitimes e(t) naturelz e(t) de ladicte françoize pradier**, e(t) a chacun d'iceux sçavoir est la somme de quatre cens livres t(ournoi)z pour tout droict de legitime institution e(t) hereditaire part e(t) portion qu()ilz peuvent avoir e(t) prethendre sur ses biens e(t) heredité payable ladicte somme de quatre cens livres a chacun desdictz, jean, e(t) anthoine linas soudain après qu()ilz auront attainit l()age de vingt cinq ans e(t) jusqu()a lors veut que soient nourris e(t) entretenus sur ses biens e(t) heredité, a la charge par eux de travailler de tout leur possible au proffict d'icelle, et moyenant cé les a faictz e(t) institués ses heretiers particuliers veut & entend qu()ilz ne puissent rien plus pretendre ny demander sus sesdictz biens e(t) heredité et en tous et chacunz ses autres biens meubles e(t) immubles presans e(t) advenir ou que soient sittues e(t) luy puissent appartenir, ledict linas testateur a faictz

Clxiii.

institués e(t) de sa propre bouche nommés ses heretiers universsels e(t) generaux assavoir est **autre anthoine, e(t) guillaume linas freres ses enfans** legitimes e(t) naturelz **e(t) de feue ysabeau marqués** sa premiere

femme, pour par iceux incontinent apres son decés partir e(t) divizér esgallement, e(t) chacun de la sienne en jouir faire e(t) dispozér a ses plaisirs e(t) volontés, a la charge toutesfois par ledict anthoine de raportér au blot de l()hereditté la cinquiesme partie des biens que ledict testateur luy a donnés par les pactes de son mariage avec ladicte jeanne chaubard rettenus par moy dic notaire les ans e(t)()jour y contenus, et a la charge aussy par ledict guillaume linas de payér la moityé dés cas dottaux qu()il se trouvera avoir receus le jour de son decés d icelle jeanne chaubard sa belle filhe, et tel a dict le susdict linas testateur estre son testamant que veut que vailhe e(t) soit valable par droict de testamant ou de codicille ou de donation faicte a cauze de mort ou dispozition de derniere volonté et par toute autre meillheure voye que de

droict pourra valoir, revoquant e(t) annullant tous testamans donations a cauze de mort ou autres dispositions qu()il pourroict avoir cy devant faictes, voulant que le presant soit son vray e(t)()unique testamant, et affin qu()il soit d autant plus efficace e(t) ne puisse estre revoqué en doubte a()priés les tesmoingz sy après nommés par luy faictz appellér e(t) recognus l'un après l()autre d estre memoratifz de ceste sienne volonté e(t) presante dispozition ayant requis moy dict notaire d en rettenir instrumant ce qu()ay faict en presance de guillaume prouhenquierres, arnaud gaubil marchans, anthoine salinas serrurier jean ytiér, jean combes, jean gaulhet, pierre moncuquet laboueurs, e(t) françois vern forgeron habitans de beauvais, desquelz ledict gaubil a signé les autres tesmoingz e(t) le testateur ont dict ne scavoir e(t) moy pierre custos notaire a villemur trouvé sur le lieu requis /

Gaubil

Custos, notere royal